



24. september 2019

UKA2019/165/166/135

### Imm.165/166/135

**Uunga siunnersuut: Eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq. (Plug-in hybridbiilit akitsuutaat, biilinit innaallagissamik imaluunniit brintimik ingerlatilinnut akitsuummik akiliisussaanginneq kisisalu qamutit motoorillit nunaannakoorutit minnerusut akitsuutaannik atorunnaarsitsineq)**  
(Aleqa Hammond, Nunatta Qitornai)

Sunaluunniit nunatsinni pisariaqartitat angallannermut tunngasut avataaniit eqqunneqartussaapput. Avataaniit eqqussukkat suungaluartulluunniit akitsuutitigut nunatta karsianut akileeqqaarnermi atulernerqarsinnaapput nalunaarsorneqartarlutillu. Tamanna nunaannakoorutitut aammalu biilinit eqqartukkatsinnut atuuppoq.

Upernaaq inatsisartut upernaakkut ataatsimiinnerani oqaluuserisaq immikkoortoq 54-ip ataatsimiitaliamit suliarineqartussanngortinneqartup assipaluanik siunnersuuteqartoqarpoq, aammalu inatsisissatut siunnersuuteqartoqarluni maanna.

Nunarsuarmioqatigiit assigalugit silaannaap allanngoriartornerata pakkersimaarnissaanut mingutsitsinerullu annikinnerpaaffissaaniititsinissamut pisussaaffeqarpugut. Nukissiutit minguitsut aammalu avatangiisitsinnik paarsilluarnerunissamik imminullu napatittumik ineriartortitsinissaq anguniagaraarput, soorlu taassumunga eqqaasineqartugut inatsisartut ammaanersiornerini saqqarmiorannguanik agguvaavigineqartut Naalagaaffiit peqatitigiit nungusaataangitsumik ineriartortitsinissamut anguniagaanik SDG-nik taaneqartartunit. Nunarsuarmioqatigiittulli allatuulli periarfissaq toqqagassallu amerlatsikkiartorput maani nunatsinni, qujanartumik. Mingutsitsinngitsut atortut aammalu soorlu uani siunnersuutigineqartut tassapput siunissami atugassat eqqortut.

Akitsuutit appartinneqarnissai tunngaviumut akitsuusersuisarnek eqqarsaatigalugu isumaqatigaavut, taamaattorli aamma appaaniarnermi aammalu atorunnaarsitsiniarnermi kingunerisaat mianerisassallu suliarilluarneqartariaqarput.

Inatsit aammalu inatsisissaq sunaagaluarpalluunniit oqaannartoqarsinnaangilaq una tusarniutigineqartariaqangilaq atuutilersiinnarneqassaaq. Taamatut suleriuseqarnissamik periuseqarneq tarpersunngilarput, soorunami inatsisissaq sunaagaluartorluunniit atuutilersinnagu kommunit susasaqartullu allatuulli tusarniaavigineqassapput aammalu qisuariaatai inerniliutigineqartussami ilanngunneqassallutik. Taamaammat siunnersuutigineqartut tunngaviatigut tarperserlugit ataatsimiitaliamik suliarineqarnissaat inassutigaarput, ilanngullugu suliat qaleriissaanginnissaat anguniarlugu ataatsimiititaliap allannguutissatut siunnersuuteqarnissaannik kaammattorlugit.